



Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Naalakkersuisunut Apeqqut:**

- **Aasianni uuliasiortoqalernissaanut talittarfissuarmik pilersitsisoqarniarpa?**
- **Aasianni talittarfissualiortoqarnissaanut pilersaarusiortoqarsimava?**

(Kristian Jeremiassen, Siumut)

Tunngavilersuut:

Qaasuitsup Kommuniata avataani uuliasiortoqaratalernissaanut piareersaatit assigiinngitsut suliaralugit aallartisarsimavai, ilaatigut ataatsimiititaliamik pilersitsinermigut aqunneqarluartumik ineriartortitsilluarnissaq siunertaralugu sulineq ingerlatilersimallugu.

Naalakkersuisut soqutiginarluartumik saqqummiussa qarput suli nunarput soqutigineqarluartoq uuliamik ujaasiffigissallugu, soorunami taamatut ineriartorneq ingerlasoq isigalugu nuannerpoq neriulluarnarlunilu.

Uuliasiortoqaleraluarpat soorunami sullissiviit assigiinngitsut nunami avataanilu pilersussaapput, taamaattumik siunissamat isigisumik aaqqiissutissat pigereernissat pingaaruteqartoq isumaqarpunga, taamaalilluni pitsaanerpaamik uuliamik nassaartoqaralarpat sullissinissaq suliffinnillu pilersitsinissaq anguneqarsinnaassammat.

Aasiaat talittarfeqarfittut ineriartortissallugu pingaaruteqartoq isumaqarpunga, Aasiaat tassaavoq ajunngittumik inissisimasoq avataani maanna uuliaqarfiusinnaasunik misissuinermi, taamaammat aamma talittarfeqarnikkut aasianni pilersitsisoqarniarnersoq Naalakkersuisut pilersaaruteqarnersut paaserusuppara.

Aammalu paaseruppara Aasianni talittarfissualiortoqarnissaanut pilersaarusiortoqarsimanersoq.

Apeqquteqaat ingerlatitara ullut suliffiusut qulit qaangiutsinnagit akineqarnissaa kissaatigaara.